

Na osnovu člana 35. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine TK", broj: 18/23, kao i člana 17. stav 2. Statuta općine Doboj Istok („Službene novine općine Doboj Istok“, broj 5/08), Općinsko vijeće općine Doboj Istok na 31. redovnoj sjednici održanoj dana 30.11.2023. godine, d o n o s i

ODLUKU

o subvencioniranju dijela troškova komunalne usluge vodosnabdijevanja pitkom vodom na području općine Doboj Istok

I - OPĆE ODREDBE

Član 1.

Ovom Odlukom propisuju se: kategorije korisnika, uslovi, kriteriji i način utvrđivanja prava na subvencioniranje dijela troškova komunalnih usluga vodosnabdijevanja, (u daljem tekstu: "subvencioniranje"), troškovi koji se subvencioniraju, organi odlučivanja, prestanak prava, potrebna sredstva kao i način finansiranja.

Član 2.

Pojedini pojmovi navedeni u ovoj Odluci imaju slijedeće značenje:

- „Subvencioniranje cijene komunalne usluge“ podrazumijeva plaćanje dijela troškova usluga vodosnabdijevanja pitke vode koje pruža JKP "Čisto" d.o.o. Doboj Istok i „Fluid metal“ d.o.o. Brijesnica Mala za korisnike tih usluga za koje se na osnovu kriterija iz ove Odluke utvrdi da spadaju u kategoriju lica u stanju socijalne potrebe.

II- USLOVI I KRITERIJI I NAČIN UTVRĐIVANJA PRAVA

Član 3.

Subvencioniranu cijenu ostvaruje pojedinac ili porodica (u daljem tekstu korisnik komunalne usluge) i to fizička lica koja su vlasnici ili zakupci stambenog prostora, a koji ispunjavaju kriterije iz ove Odluke.

Pravo na subvenciju ostvaruje korisnik komunalne usluge koji ima prebivalište na području Općine Doboj Istok i :

- korisnik je stalne novčane pomoć kao i i članovi njegovog domaćinstava,
- roditelji njegovatelji i uži članovi domaćinstva,
- socijalno ugrožene porodice po procjeni Centra za socijalni rad.

Član 4.

Maksimalna mjesečna količina isporučene pitke vode po članu domaćinstva korisnika komunalne usluge ne može preći 3 m³.

Razliku u iznosu mjesečnog računa za količinu isporučene pitke vode koja nastaje potrošnjom većom od 3 m³ po članu domaćinstva korisnika komunalne usluge, snosi korisnik.

Član 5.

Opšti uslovi koje mora ispuniti korisnik komunalne usluge su:

- a) da podnosilac zahtjeva i članovi domaćinstva imaju prebivalište na području Općine Doboj Istok,
- b) da se nekretnina za koju se izdaje račun za pružanje usluga vodosnabdijevanja nalazi na području Općine Doboj Istok i

- c) da račun za pružanje usluga vodosnabdijevanja pitke vode glasi na ime podnosioca zahtjeva ili zakupodavca ili njegovog člana domaćinstva s kojim korisnik usluge ima zaključen Ugovor o zakupu stambenog prostora.

Član 6.

Postupak za ostvarivanje prava na subvencioniranje provodi JU "Centar za socijalni rad" Doboj Istok, a pokreće se na zahtjev lica koja želi ostvariti pravo na subvencioniranje.

Uz zahtjev za subvencioniranje troškova iz člana 5.ove Odluke podnosilac zahtjeva prilaže:

- a) uvjerenje izdato od strane JU "Centar za socijalni rad" Doboj Istok
- b) kućnu listu,
- c) PBA - 1 obrazac (Prijava prebivališta CIPS),
- d) Posljednji račun izdat od strane JKP "Čisto" d.o.o. Doboj Istok, i „Fluid metal“ d.o.o. Brijesnica Mala za pružanje usluge isporuke pitke vode.

Član 7.

JU "Centar za socijalni rad" Doboj Istok dužan je sačiniti službenu evidenciju o korisnicima koji ostvaruju pravo na subvencioniranje.

Evidencija sadrži:

- a) lične podatke o korisniku: ime, ime oca, prezime, datum rođenja, adresa stanovanja,
- a) bračno stanje, datum upisa u evidenciju,
- b) podatke o utvrđenom statusu korisnika subvencije,
- c) podatke o članovima porodice (ime, očevo ime, prezime, zaposlen, nezaposlen, penzioner, učenik, student, korisnik stalne socijalne pomoći),
- d) podatke o statusu stanovanja (vlasnik stana/kuće, korisnik stana/kuće, član domaćinstva, zakupac stana/kuće).

U postupku sačinjavanja službene evidencije po službenoj dužnosti se pribavlja posljednji račun izdat podnosiocu zahtjeva od strane JKP "Čisto" d.o.o. Doboj Istok i „Fluid metal“ d.o.o. Brijesnica Mala.

Član 8.

Nakon sačinjavanja službene evidencije, JU "Centar za socijalni rad" Doboj Istok dostavlja spiskove i dostavlja ga JKP "Čisto" d.o.o. Doboj Istok, i „Fluid metal“ d.o.o. Brijesnica Mala.

Član 9.

Prilikom izrade mjesečnih računa JKP "Čisto" d.o.o. Doboj Istok i „Fluid metal“ d.o.o. Brijesnica Mala će razgraničiti iznos koji se subvencionira, odnosno kojeg plaća Općina Doboj Istok i iznos koji plaća korisnik subvencije.

JKP "Čisto" d.o.o. Doboj Istok i „Fluid metal“ Brijesnica Mala, dužni su izdati račun o pruženoj usluzi isporuke pitke vode korisniku iz stava 1. ovog člana, ili specifikaciju o pruženoj usluzi isporučene vode ili neki drugi dokument kojim se potvrđuje pružena usluga isporučene vode korisniku, te isti dostaviti JU "Centar za socijalni rad" Doboj Istok.

Po prijemu računa ili dokumenta iz stava 2 ovog člana JU "Centar za socijalni rad" Doboj Istok dužan je izvršiti provjeru računa za subvencionirani dio korisnika usluge, te odobriti i isti dostaviti Općinskoj službi za poduzetništvo i financije.

Služba za poduzetništvo i financije po prijemu obračuna izvršit će plaćanje subvencioniranog dijela JKP "Čisto" d.o.o. Doboj Istok i „Fluid metal“ d.o.o. Brijesnica Mala.

III - PRESTANAK PRAVA NA SUBVENCIONIRANJE I SREDSTVA

Član 10.

Korisnici koji su ostvarili pravo na subvencioniranu cijenu utvrđenog dijela troškova komunalne usluge- vodosnabdijevanja pitkom vodom, a kod kojih u međuvremenu dođe do promjena koje su od uticaja na ostvarivanje utvrđenog prava (promjena prebivališta, broj članova domaćinstva, zaposlenje i druge činjenice koje dovode do promjene statusa korisnika), obavezni su u roku od (15) dana od dana nastale promjene, obavijestiti JU "Centar za socijalni rad" Doboj Istok.

JKP "Čisto" d.o.o. Doboj Istok i „Fluid metal“ d.o.o. Brijesnica Mala dužni su u roku od (3) dana od dana saznanja da su nastupili uslovi iz stava 1. obavijestiti JU "Centar za socijalni rad" Doboj Istok.

Ukoliko dođe do promjena koje bitno utiču na uslove subvencioniranja JU "Centar za socijalni rad" Doboj Istok dužan je po službenoj dužnosti u roku od (3) dana obavijestiti JKP "Čisto" d.o.o. Doboj Istok i „Fluid metal“ d.o.o. Brijesnica Mala o nastalim promjenama.

JU "Centar za socijalni rad" Doboj Istok će brisati korisnika iz službene evidencije.

Član 11.

JU "Centar za socijalni rad" Doboj Istok, licu koje je brisano iz službene evidencije korisnika koji su ostvarili pravo na subvencioniranje dijela troškova komunalne usluge, izdaje Rješenje kojim se utvrđuje prestanak prava na subvencioniranje.

Na Rješenje iz stava 1. stranka ima pravo žalbe.

Žalba se podnosi Općinskom načelniku u roku od (15) dana od dana prijema Rješenja, a predaje se putem JU "Centar za socijalni rad" Doboj Istok.

Rješenje Općinskog načelnika je konačno.

Član 12.

Sredstva za realizaciju ove Odluke obezbjeđuju se godišnje u budžetu Općine Doboj Istok.

IV- PRELAZNE I ZAVRŠNE ODREDBE

Član 13.

Nadzor nad provođenjem ove Odluke vrši Općinski načelnik putem Službe za privredu i financije.

Član 14.

Općinski načelnik će do 31.12.2023.godine donijeti Program za sufinansiranje dijela komunalne usluge- vodosnabdijevanja pitkom vodom, kada i počinje primjena ove odluke.

Član 15.

Ova Odluka stupa na snagu osmog dana od dana objavljivanja u „Službenim novinama općine Doboj Istok.“

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKO VIJEĆE

Broj: 02-04 -1244/23
Datum, 30.11.2023. godine



PREDSJEDAVAJUĆI
OPĆINSKOG VIJEĆA
Nusret Dautović